



Broj:
Sarajevo, 24.12.2014. godine

PREDSTAVNIČKOM DOMU
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 24-12-2014			
Organizaciona jedinica	Klasifikaciona oznaka	Redni broj	Broj priloga
01-	02-2-	1440/14	

Predmet: **Prijedlog rezolucije o Sutorini**

Poštovani,

Na osnovu člana 167. Poslovnika Predstavničkog doma Parlamentarne skupštine BiH ("Službeni glasnik BiH", broj 79/14), podnosim **Prijedlog rezolucije o Sutorini**.

S poštovanjem,

Poslanik SDP BiH

dr.sc. Denis Bećirović

Imajući u vidu da Predstavnički dom Parlamentarne skupštine Bosne i Hercegovine smatra da je pitanje Sutorine izuzetno važno za budućnost Bosne i Hercegovine;

Shvatajući značaj direktnog izlaska Bosne i Hercegovine u međunarodne vode;

Uvažavajući potrebu da Bosna i Hercegovina trajno regulira pitanje državne granice sa Crnom Gorom;

Podržavajući napore da se objektivno utvrde pravne, historijske, geografske, ekonomske i druge činjenice u vezi sa Sutorinom; a

Na osnovu člana IV.4.(e) Ustava Bosne i Hercegovine i člana 167. Poslovnika Predstavničkog doma ("Službeni glasnik BiH", broj 79/14), Predstavnički dom Parlamentarne skupštine Bosne i Hercegovine je na __. sjednici, održanoj __. __.2014. godine, usvojio

REZOLUCIJU O SUTORINI

1. Predstavnički dom Parlamentarne skupštine Bosne i Hercegovine (u daljnjem tekstu: Predstavnički dom) ocjenjuje neprihvatljivim, neutemeljenim i štetnim Prijedlog ugovora o državnoj granici između Bosne i Hercegovine i Crne Gore, koji je utvrdilo Vijeće ministara Bosne i Hercegovine početkom novembra 2014. godine, a prema kojem bi Sutorina trebala voljom državnih organa Bosne i Hercegovine trajno ostati u sastavu Crne Gore;

2. Predstavnički dom poziva Predsjedništvo Bosne i Hercegovine da odbije sadašnji prijedlog Vijeća ministara Bosne i Hercegovine, te da ga vrati na ponovno razmatranje Vijeću ministara Bosne i Hercegovine;

3. Predstavnički dom smatra da je potrebno osnovati komisiju koja će u narednom periodu konsultirati priznate stručnjake iz oblasti prava, historije, ekonomije, geografije, ali i ostale relevantne stručne osobe koje mogu pomoći u pitanju rješavanja statusa Sutorine;

4. Predstavnički dom traži od Vijeća ministara Bosne i Hercegovine i Predsjedništva Bosne i Hercegovine da, prilikom pregovora o državnoj granici, uvažava činjenicu da Crna Gora ne može dokazati vlasništvo nad Sutorinom, jer je u Ustavu Federativne narodne republike Jugoslavije, od 31. januara 1946. godine, u članu 12. navedeno da se republičke granice mogu mijenjati samo pod uslovom da to Narodna skupština Federativne narodne republike Jugoslavije ratificira na saveznom nivou i uz saglasnost republika.